

北斗傾魂五帝斷魄三尸鼓勇上鎮泥丸洞
天失先魂魄無生魁星落地魁星無明魁星
自滅魁星昏沉魁星震怒魁星如兵魁星衝
擲當者喪形急急如律令

右呪念七遍以桃枝於令門上打云鍊之

則伏化之則滅如欲赦之當用北斗玄卿

普天大赦保生呪七遍至四十九遍隻手

寅卯午關發取出如前命神將放出邪鬼

喝云

○猛將桑銅頸頭大將速將上件鬼魂還其本
所急急

北斗玄卿普天大赦保生呪

天蓬天蓬九玄殺童變化凡身威猛英雄通

天通地通天通風通水通幽通顯通空通正

通邪無盡無終變化九億聚魄生魂魁星明

朗魁星乘龍躡星大吉魁星騰空瑞光流散

普遍光風魁魁上生魁星神通同上生籍保

魄守魂精得以鍊炁得以通神得以定四大

興隆急急如

北極鎮天降魔大力威神天蓬都元帥律令

閉獄門呪

靈塞地戶鬼塞幽關急急如

鄴都大帝律令

袋令呪

天垂黑靈單幽關急急如

鄴都大帝律令

吹誦四天閉塞呪取黑炁布之

黑篆真文倒呪

萬鬼自潰神刀一下天獸滅類四明破骸北

斗然骨炎帝烈血斬鬼五刑鑿天大斧欲來

現狀敢有小鬼去却不祥辟尸千里衛我九

重三十萬兵威北嚙鋒天駟激吏威南禦兇

天丁力士四目老翁蒼舌綠齒橫身飲風吞

魔食鬼丹霞赫衝紫炁乘天斬邪滅蹤威劍

神王嚴駕夔龍素鳥三神手把帝鍾長額巨

獸太上皓兇七政八靈高刀北翁五丁都司

九玄煞童天蓬天蓬合元太虛勅

右拍九天寶印卯文取炁吹之

右呪普如普陽天師威北帝達天丁賜三

十六黑篆真文精勤持念勿漏昇天

道法會元卷之二百六十四

道法會元卷之二百六十五

北陰鄴都太玄制魔黑律靈書

靈書

西臺御史檢法行刑通訪大使魏伯賢啓

上清天洞法師魏明瑞請神於真人鄭如微序次

昔北極紫微玉虛帝君居紫微垣中為萬

象宗師衆星所拱為萬法金仙之帝主上

朝金闕下領鄴都起於龍漢元年有北陰

鄴都六洞鬼兵神靈魔王遊行人世殺害

生靈莫能制御

玉帝召北帝統率神將吏兵演大魔黑律

行鄴都九泉號令符糾察三界鬼神印降

伏魔群驅蕩妖氛救護黎庶功成行滿昇

入北極中天自然總極紫微大帝之位故

七真曰祖師北極大帝為萬法之主也北

帝制伏群魔行九泉號令符糾察鬼神印

及制黑律命御史魏伯賢掌之領鄴都官

將北帝即紫微大帝之分化也故上清天

條玉真天壇玉格女青鬼律天蓬律九天

大法等文刑律嚴重莫如鄴都黑律也按

經云北帝勤修經歷精勤香燈禮拜念誦

供養

三清上帝精誠不退魔障消滅功勳德滿昇入帝位出入有華蓋相隨星光照耀七寶瓊瑤上徹諸天下照萬國每月二十七

日下降塵寰察人世罪福孝逆善惡如行
鄴都大法當於人世身佩黑律手握憲章
即九泉存北帝目想諸神鄴都飛步七
星劍橫台斗又何患鬼魔不制將帥不行
乎按老子猶龍經云

紫微北極玉虛大帝上統諸星中御萬法
下治鄴都乃諸天星宿之主也北極驅邪
院是其正掌也玄中教主大法師王京化
主四輔賢王九天掌律官平章事修上清
律以傳元素元輝府三天扶教輔玄大法
天師都天大法主泰玄上相正一靜應真
君知北極驅邪院事三天門下日直元君
張天師後傳於九天定命注生破邪日直
元君杜光庭其律始于此後四聖行新律
天樞行上清律同驅邪院律神霄玉格可
稱慈仁律鄴都黑律可稱嚴重律夫律皆

不可犯行正法者當謹畏守持先正已而後可以責伏鬼神勿令累及九玄斯可進秩仙班平章事趙真君修

北帝黑書律

一諸法官欲檢黑律條示鬼神先當望北極

炷香啓奏紫微北極台斗四聖三官鄴都大帝三天法師宣白投詞及鬼神情犯禮拜北帝然後公檢行刑違者去壽三年死入大鐵圍山再犯加一等死入鄴都刀山地獄

一諸鬼神犯罪重上清律及王格不能盡其罪然後檢黑律如鬼神犯輕法官便行怒檢黑律者去壽一年仍將鬼神不盡其罪法官受之

一諸法官受任鄴都掌天曹重任其權不輕宜朝夕香燈奉事北帝歷劫動苦香燈奉

三清禮號誦北帝主帥呪即天始終不息自然名書功籍漸可身登太極始勤終怠輕慢者名書過籍去祿去壽死入鄴都銅柱地獄
註云鄴都無丹書青篇其籍皆黑也只分功籍過籍耳黑編白字乃功籍也過籍則

黑編玄字也

一諸法官奏名天府名籍仙階不得誦念佛書魔教及宣虛偽不祥之文禮拜敬僧祀神禱鬼弱惑良民令國中四民失業迷惑邪風犯者

天帝陛下所司去職落名死入鄴都墮為獨鬼永失人身

一諸法官奉命

北帝受職太玄真武佑聖真君隨班朝帝其權甚重常有魔王敬畏鬼吏參隨凡出入則城隍社令並皆迎送不得妄言人鬼喜怒陰陽神吏必察法官喜怒顏色不令而行如違則魔王不畏鬼吏不遵臨事不神必為惡鬼所侮

註云昔朱真君教主嘗聚朋友心怒一人

不發言但與念云世間如此不信道法者可殺之其人竟坐不住及歸吐血而死是知受鄴都法者惡魔護衛意念之間不令而行

一法官佩正令出入不得令僧尼婦女鷄犬

猶畜所見一有所犯令失其靈法官受罰如出入下令即於袖中將出叩之即便入袖懸之臂上使人鬼不知陰行也

一諸法官不得參禪念佛流入邪教必失其真忘真必死死入地獄再生人世破形傷體斷足失明行勾念佛永失中國福德男子之身

一諸法官不得交合娼妓及舉念非真每于二十七日帝降之辰不可遊房三尸上奏必短其壽大宜忌之

一諸法官不得向北遺便當斗便者必遭惡患之報

一諸法官常當存神保真安思靜念一心專念紫微常存心地如是則四聖衛形九皇保命

一諸法官每月初五日二十五日乃北帝主帥天蓬下降之日宜保真靜念如法朝誦天蓬秘呪當獲玄感

一諸法官常於玄帝下降日及斗降日當祝令持印召神令將

註云玄帝乃酆都提刑北斗乃酆都樞妙破軍乃酆都節度使也
一諸法官交游惡人親近小輩與無德人論法者北帝靈官書惡斬魂
一諸法官當尊敬度師如敬父母生當恭敬死後當奉靈於本院師前誦經超度違者三尸奏惡名書行籍
一諸法官有功於世身未登真北帝先詔其度師詣闕取問功過須得度師保奏善狀則得超度必先度師證品仙階然後嗣師上超真境
註云昔天師收六洞大魔時不合殺伐過甚北帝書惡時玄中教主保善奏帝乃得超三天大法師位
正令法格
九天定命注生破邪日直元君杜光庭編行九天金闕天夫六陰洞微仙卿盧莖註釋
莖嘗炷香拜誦紫微黑律寔生毛髮嘗於鄭公知微處所持酆都正令其運令格式呪語行用大段不同於是炷香叩問鄭公

先生曰黑律乃法之條例也本法者乃法之儀格也故酆都一法數宗不同常法然諸將遵行者黑律為正也莖須兩存之得黑律者不傳運令式法無運令式法非北帝之真妙當以黑律運令為全法焉令

楚觀黑律及運令式修用不同得法者凡召將時祝云依吾式行或云依吾格行

法官欲召二功曹使用當行印叩令則二神出一叩不至者斬法官誤叩者死

註云况同節制參合行令附叩印召功曹

○ 法官欲召酆都猛將當用指叩玄都正令面三下三叩不至送御史行刑鐵棒一千誤叩者死

法官欲召酆都九獄主者收禁罪魂或行刑考召當用印叩令獄三下三叩不至者送御史行令銅鞭一千誤叩者死

法官召力士使者急將印叩令頭主帥令其神急至三叩不至送御史行令大鐵鞭五百下法官誤叩者死

法官召鄴都八將叩令右三聲三聲不至送

御史準令行銅火棒五百下法官誤叩者

無號令並死

法官召鄴都諸符使當用筆叩令符使立至

三叩不至送御史準黑律從條杖鐵火棒

五百下誤叩者死

法官非利害緊急大崇不得輕召景陽宮四

神違者去壽一年流一千里

法官遇狂邪惡崇欲召北陰景陽宮四神用

令左叩三下三叩不至送御史檢黑律從

降十七功出宮聽斷誤叩者死

法官非治魘通者不得輕召二靈官違者去

十功

法官用鄴都符命並將黑紙黑書黑印燒化

黑錢甲馬

法官欲召馬宋二靈官當用手撫令面三下

三叩不至送御史將二神奏裁去十八功

誤叩者死

法官非治物封大魔不得輕召左右禁司犯

者流三千里

九法官送三千里明峻岳
報並令人出三千里也

法官召二真君以令下叩三聲三聲不至遣

送御史去三功再犯奏裁誤叩者死

法官敬掌行鄴都正令大權都轄群魔當朝

夕不住口誦北帝主帥呪即天

法官領鄴都大權正令都轄群魔當朝夕一

心朝禮望北想天蓬真像長萬丈禮拜誦

呪請炁鍊身

法官欲召御史須當望北口奏

北帝及天蓬大聖宣讀事意然後召之

法官凡有大崇無法可治者然後召御史須

當淨壇行水不得令僧尼師巫婦女犯壇

犯者必死須用符法宜指揮鄴都破穢都

尉周傳置肅清壇儀禁伏不祥驅逐犯禁

法官欲召御史當用正令首叩五五二十五

下立至如主將犯法不至罪加一等法官

當奏聞北帝及天蓬府準黑律行

法官非利害事及鬼神領兵爭戰不得召鄴

都全臺官吏神兵

法官欲召全臺官將並係御史魏伯賢主領

鄴都全臺三十六將及外院八將及吏係

鄧光遠主領

法官欲召鄴都全臺將吏可平打令面立至

如三叩不至當飛奏

北帝請命將兵元帥依律聽旨法官誤叩

者死

法官不得輕召六洞主官大魔王殺伐過重

必去其功

法官所立鄴都法壇或建獄壇必須當壇安

奉天蓬真像鎮伏鄴都威猛魔衆

法官欲召六洞主官大魔王親征戰鬼當請

天蓬大元帥為監軍不然鬼兵出九幽必

害生命法官罪當死

法官欲召六宮魔王戰鬼大行作用須當普

召天下名山大川主者城隍社令祇奉收

捉傳獻送迎不得驚動各安其職若法官

輕犯法亦當死墮入幽冥

法官召六宮大魔戰伐魔鬼畢須奏謝

三清玉帝真王伐殺鬼神之罪不然靈官

減功

法官召六宮大魔領兵戰鬼須當去令袋開

天獄大叩六聲則六宮魔王盡至法官輕動者死此乃

北帝親征正法罪禁極重凡召六宮大魔想天蓬元帥部領鬼兵無數魔卒塞滿天地雙手捧令怒目變形大叩之

造令式

中妙真人鄭知微增修

同微仙卿盧某 編行

虛元統化真御提點諸法律案 註

○登初行法時便參鄴都滿天下令有六式皆鄴都令也然黑律正格者利害甚多如初受法者登不傳與之待觀其行察其心知其入方始結罪保盟重奏北帝而付度焉

必大罪如山海莫能言也先師盧某得法於鄭某及面受某譯某之妙語人皆言鄴都黑法黑律存乎黑而用乎黑死後必入地獄為鬼官而無明焉必大親同先師盧某詣鄭某祝香而禮請此事鄭某先生曰黑中終有光明現長光還被黑消磨又曰明極則晦晦極則明此天地之常理也

必大始悟真師之垂訓且如光中治鬼崇鬼必知其用若用幽黑之法治鬼神鬼神雖靈終不知法官之為用也必大炷香啓問六令不同之說鄭某曰六令當以黑律之令為真也次則運令式中之令所增此

小亦其真也餘外之令只有九泉號令一符者其偽節也乃傳師秘其真耳若得黑律正文則鄴都事畢矣又何須參考運令式法乎如必大知其言未察其心察其心未知行者不傳鄴都法也先將地祇付之

○若傳鄴都不傳黑律令則有誤持鍊之功法官得無過乎法官所掌之令今有正格者依格造令則諸將遵依若失令格則用事不神法官造令取癸亥日及諸亥日十惡大敗日

受死日等造令極妙造令宜用棗木栢木楓木桃木梓木為上其他木不得用之犯者臨事不成法官不得傳鄴都正令與破傷形體流之人犯者非命吐血死

法官奏名北帝受職玄臺奉鄴都法教行鄴都正令掌天曹重任者當保愛形體如同珠玉不得紋身剪髮破體傷形如有危病欲針灸者須當啓白天蓬奏聞北帝告白身中諸神然後始行違者準律

徒三千里永失仙道流入邪教造令於癸亥日及黑道日將令木及刊匠與師同登壇啓奏

祖師北極紫微大帝三台北斗玄中大法聖師四輔醫王玉京化主靜老天君北極

○天蓬都元帥鎮天降魔大威力將軍九天尚父靈魁宗師北極左角都大上將含光太虛玉真壽元真君太玄元帥玄天上帝北陰鄴都鬱絕五炁玄天上帝三天大法師正一靜應真君西臺御史魏真君

下降香壇受令啓奏法師宜身及將式香上度過方刊之刊成未可用先奏後祭用呪取炁鍊炁方用寶令如神法官欲奏傳正令付與弟子須先將弟子投詞向北設壇焚香啓告仍以投詞露一宿

或有神判無點方許傳之

註云昔鄭其參鄭都秘法玄妙經五十餘師不得正令得遇宋君令具狀露之舉奏北帝次日觀之見投詞紙如墨黑其字却白後有御史判云面奏

北帝詳檢鄭某三世以來不遵妖教無破體傷髮紋身之過在律令行掌佩正令都轄魔靈濟世去邪安民保國請朱制使保奏付度仍先關會合司聽旨又建寧陳法清具詞投朱某欲受正令露奏其夕三更

聞有哭泣冤聲次日觀之見詞紙皆黑字亦黑而黑文與黑地不同黑地如漆而微光其字則灰黑色後判云陳法清兩世為僧背逆大道為殺為淫不忠不孝又妄自冒禁干天欲傳正令免死去職師不得傳

方知奉鄭都法者職掌天曹大權重任須得其人始可付度

變令作用

法官凡造令畢惟帝諱二字不敢判法官同師詣壇禮奏啓白畢謝罪再拜出壇用紙

包令牌未敢入袋先備淨酒果茗列於上帝前及備牲醴血臟飯食等物列於官

將前請延帝真帥將如法行三獻畢法官啓奏造令甚意却行請開獄門只開其穴存見天蓬大帥駕龍領六官大魔神兵億萬從穴而入法官上香八拜拜請黑律禁書祭令秘呪雙手子文存北方昏黑晦冥之炁入令開穴中有聲如摧城之聲法官叩齒五通舉令入袋念集神歸宮呪想北方有聲如萬魚擲水裏氣象昏蒙肅然幽冷魔首元帥統領衆神入壇令亦入袋中縛袋時存見鐵罩罩令念黑風大罩呪畢將正令同糾察印懸於旗上

用將條裕

西臺御史魏伯賢條示

一諸法官奉天曹重任宜保固真元攝養正氣節慾存神不得非時失喪穢敗本原難令諸將

法官非降伏大魔及駕空冲景之神則不得用差御史

法官用將當以至誠臨事謹重賞信罰明

法官非攝典祀及名山大川廟神不得用焦

魯二大使

法官非捉飛天走地聚形散炁領衆神鬼不得用景陽官者畢孫田四神

法官非捉飛天入水入火變化之神魁通下

鬼不得用馬宋二靈官

法官非追攝遠奔閃逃之鬼不得用艾濟黑

連應子揚三符使

法官非追攝能穿地脉之神不得用九醜大

聖即韓儀

法官凡追攝鬼神解送傳遞速附等事皆可

用飛天八將附體考勘皆可

法官非追斬鬼神不得用曾霄

法官凡行遠捉催追及收擒遊空有翅之鬼

並可用馬存中曾宏焦烈三將軍

法官非顛附擒鬼追魂入體報應通傳不得

用二趙德祥馬騰二大將

法官非當強惡有力變化之神不得用張元

真胡文仲孫仲武唐伯成四力士

法官非當強惡有力變化之神不得用張元真胡文仲孫仲武唐伯成四力士

法官非考提潛山藏水之妖飛空走地之鬼
不得用銅蛇石盈鐵大劉昇金鵬鮑仲三
使者

法官非考治罪邪禁勸鬼神建獄等不得用
九獄王王元貞等

法官非當究惡制伏雄魔攝捉英猛之鬼不
得用朗靈將

法官當隨事用將若使失節錯亂則臨事不
神失正道威神

法官應召將吏傳送文字聽令傳旨並用王
安盧見二功曹

法官不得苦勞身體醉酒昏亂喜怒失常飲
酒過度精神錯亂運用失靈

法官凡戰邪魔敵崇用將發兵當守炁定神
如臨白刃

法官每月二十七日值

北極紫微大帝下降初五日二十五日主
將天蓬下降如斗降玄帝降日庚申甲子

三七之辰不得房慾殺害物命醉酒昏亂
忿怒惡言等項地官書惡名籍罪簿

法官過惡甚重非止一身受災抑且祖宗沉
滯殃及子孫

法官每月七日乃酆都冥官按定世人罪福
善惡書錄黑簿列名奏上天府此日必宜
焚修香火朝

北帝謝過持戒超度宗祖若不警懼修崇
謝過者書名黑籍去祿去壽死入拔舌地

獄未失人身

法官凡遇三元八節及五臘三會之辰值

北帝冥官引出歷劫窮魂責問罪由州縣

鄉村墳墓所在往年代去處罪殃深重
未得赦原而子孫未修薦拔者即殃及子

孫災難自此而生宜行鍊度誦誑靈書

經瑞光風系君普度沉滯上登南宮功及
十萬名登功籍當得

北帝冥官注善大魔保舉見世名超海外

身證仙階九祖登真身躋仙境有力士為
法官消陰鍊陽身無沉滅

法官凡授法與人必注名于籍時過弟子法
壇察詳功過依功奏達度師去世弟子當

啓奏誦誑靈書超度先師祈送名元和遷
校府考功原過進秩仙班

法官凡入寺刹不得登殿稽首依頭叩齒及
入穴窟幽墓之中犯者大魔書惡

法官受職北帝掌九泉號令並許稱北帝鄭

都糾察司出入書判要如陽間儀格使鬼
神知其明察嚴重不敢輕犯凡書判鬼神

斷案並依公當理如是冥官詳案材力明
能得冥官保舉昇超仙職

法官佩北帝令不得輕易入廟宇中如經過
不許言笑失節威儀失度當廟神祇依理

迎送犯者去壽
法官行持公正終始如一半紀之間精勤如
故則主壇及合同將吏保名

天關隨品昇遷

法官應得王民禮信財帛金銀除養道外分
畢許贍家衣食餘收買香燈奉

聖餘外施惠人鬼

註云惠陰則鍊度孤魂或奏
上帝北帝行赦幽沉罪魂惠陽則救度貧

上帝北帝行赦幽沉罪魂惠陽則救度貧

苦飢寒之人男女無室家者助其嫁娶貧

老而死者助衣棺之類遠途之食者周其

稟費如力乏不及者常存此念也如是則

地官書名即得真君之位

法官受命北帝掌行重任度師交將謝恩之

日立旗懸令封印於壇隨意立二字壇治

北帝集治天將駐劄壇院稱治

法官受北帝重任不可過施作用驚動

天府殺傷鬼神過犯重者罰三功奏九德

法官如能濟陰拔陽施功布德恩及千人福

昌後裔

道法會元卷之二百六十五

道法會元卷之二百六十六

北陰鄴都太玄制魔黑律靈書

召將變神訣法 左手掐卯文右手掐子文大聲念呪

北帝黑書大變神呪

吾非凡身北帝之真頭如黑雲髮如亂星上

至陽境下過幽冥十方世界熱熱沈沈眉如

蜈蚣毒蒸濛濛鼻如鐵鐘雷震長空耳如火

鈴口如天門左眼太陽射天關右目太陰轉

地軸上唇風伯披山林下唇兩師行霧電牙

如劍柱霜雪寒十指如鈎光太極左脇五方

魔首右脇五嶽威神前足五雷行陣後足五

雷監兵吾為天蓬元帥統部五帝魔兵敢有

于吾號令即便倒縛橫吞急急如

祖師北極紫微大帝律令攝

北帝黑書召功曹呪

紫微靈篆御史傳宣六宮魔領拱聽靈篇誓

同山海神鬼遵行敢逆典律押送北陰騰空

駕景疾降壇庭盧見王安火速來臨受吾詞

旨奏速帝宸功成德備保奏太清急急如

北陰玄天鬱絕大帝律令攝

盤五

取北炁吹向壇前左手掐子文右劍訣存
二功曹相皂衣至前

北帝黑書勾兵大召呪

北帝靈書天蓬令行上運台斗下轉風輪黑

幢皇靈戈戟如雲六官吐霧黑炁紛紛天兵

速至鬼吏交橫魔王按劍五嶽袂迎驚天動

地拔倒山林河泉海石沈黑無明有犯黑律

押送北陰速至速至聽吾令行謹召其將火

速來臨敢逆黑律如逆太清急急如

北陰玄天鬱絕大帝律令速至

北帝黑書召將追攝呪

吾自鄴都山下來朱砂頭髮拂天開北帝勅

收無道鬼指揮兵將運風雷雄威猛將奔雲

去犯律邪魔急捉來五帝大魔兵九億呼風

嘯兩起陰雷天地人前皆黑暗天羅地網布

周迴我有紫微玄籍在書功錄過滅兇災急

急如

北陰玄天鄴都大帝律令

叩令召功曹呪

太玄黑書玄都正令糾察鬼神紫微寶印印